

湖南褒忠錄初稿

湖南褒忠錄初藁

殉陣十

諡果武參將銜遊擊劉復勝

劉復勝湘鄉人充同知蕭啓江果營勇隸果後營咸豐六年復

江西袁州敘外委

賞戴藍翎是冬隨營官劉嶽昭敗賊於上

高擢千總臨江復遷守備八年進復撫州遷都司

賞孔雀翎

粵逆陳金剛踞賀縣分黨陷富州復勝率俊營隨嶽昭扼之白

芒營十年三月搗霧溪賊巢賊大敗嗣是嶽昭連敗賊蓮塘及

寡婆橋復勝皆有功賀縣復進遊擊加參將銜冬十一月彭逆

大順竄道州嶽昭率各營赴援大敗賊於東播山毀雷公帶山

賊巢乘勝追剿宜章桂陽皆平擬保參將皖逆陳玉成竄隨州

十一年夏嶽昭率師援隨州六月二十五日賊數百人出東門
芻採我軍狙擊斃數人次日賊自西南二門張旂整隊而出我
軍伏於兩河嘴奮起擊之復勝爲先鋒斬悍賊三人鼻梁傷流
血被面逐賊不止又斃二人忽鎗子中右腹洞穿墜馬左右負
之歸逾時卒事聞照參將例從優 賜卹 予諡果武 給世
職崇祀昭忠祠

參將武業祥

武業祥衡山人入楊載福營充水勇賞軍功同攻武漢用火箭
焚賊戰艦敍藍翎外委武漢復超授千總充水師哨官七年戰
小池口童司牌有功遷守備加都司銜大軍攻九江年餘業祥

充載福後營營官九江平晉都司 賞換花翎十年四月從道
員蕭翰慶援湖州抵虹星橋爲賊所邀翰慶遇害業祥集潰卒
四千人人湖城連日敗賊城外賊遷延遁十月賊復犯湖再擊
走之浙撫王有齡 奏升遊擊加參將銜統領湖州水師礮船
晉參將 賜育勇巴圖魯勇號十一年攻賊於烏程血戰死照
例從優議卹

湖南水陸各軍自十年冬十月至十一年三月轉戰江西皖
南力戰捐軀員弁除隨案奏請議卹外續經各營查明稟
報督師彙繕請卹者共百有七人
張德清候補都司鄒越勝易惠南沈青雲王勝南吳定南俱藍

翎千總吳鴻賓馮祥興屈東升熊光周曾文遠陳國棟羅開富
羅世箴俱藍翎把總鍾寶泰韓元進何富林劉宏元王國楨俱
藍翎外委縣里俱未詳

吳朝錫花翎都司高雲來藍翎守備陳文鳳彭春生譚克昌胡
秀世虞德發楊秀蘭曾紹友袁正興張啓富龍光明黃傳見蕭
楚政王芝英俱外委饒舒澤生員縣里俱未詳

鄒西隆陳雲良候補守備郭宏魁周慶龍候補千總潘順潘得
勝陳玉祥蕭東華湯彩和余端文歐陽靜滿邦家戴志遠俱把
總縣里俱未詳

右五十員各照原職從優議卹

廖定陞藍翎儘先遊擊加參將銜危壽世林大伸唐炳奎儘先
守備加都司銜張遐齡藍翎儘先守備加都司銜黃體靈藍翎
儘先千總加守備銜縣里俱未詳

右六員各照原銜議卹

張順花翎儘先都司擬保遊擊加參將銜龔天吉藍翎儘先守
備擬保都司換花翎呂吉寶候補千總擬保守備周正國沈得
勝藍翎把總擬保千總加守備銜楊正興羅光輝藍翎千總擬
保守備胡玉恩把總擬保千總劉桂芳秦玉堂王德友劉高仁
湯忍雲石本先汪西垣吳起勝汪德元吳正勝何得勝俱軍功
擬保外委楊先進黃金黃永吉軍功擬保藍翎外委馮正和藍

翎外委擬保守備換花翎任應升藍翎把總擬保千總加守備
銜張榮山藍翎五品軍功擬保守備張永發藍翎千總擬保守
備換花翎張國恩藍翎記名千總擬保儘先千總吳再璽鄒恆
廣藍翎五品軍功擬保外委朱品三藍翎六品軍功擬保從九
品吳春喜藍翎外委擬保把總蕭光福藍翎軍功擬保千總王
鳳池黎廷望羅修華六品軍功擬保把總高仕魁徐長欽擬保
外委縣里俱未詳

右四十員照擬保官階議卹

陳萬朝儘先都司加遊擊銜周貴發陳宗貴花翎補用都司蔣
先成儘先都司鍾洪先藍翎儘先守備加都司銜蘇開勝藍翎

儘先守備劉鳳德藍翎儘先千總周文運方秀林藍翎外委張良金藍翎把總擬保守備任維高擬保把總縣里俱未詳

右十一員均受傷身故照陣亡例各按原職銜及擬保官

階議卹

湘營攻剿湖北孝感德安隨州陣亡將弁

劉光楚湘潭人咸豐五年從金國琛部下崇陽通城蒲圻之復賞六品軍功武昌攻城出力敘把總武昌復改擢千總 賞戴藍翎尋同復武昌縣黃州府八年克九江進守備加都司銜十年十月逆首陳玉成糾捻匪援懷桐安徽臬司李續宜會副都統多隆阿合剿之賊大敗擢光楚都司加遊擊銜十一年皖逆

復踞黃州分黨陷孝感三月朔國琛率湘軍會水師馬隊攻六
晝夜不下初九日克之光楚先登中礮顛而死從優照遊擊議
卹如例

許濱國湘鄉人咸豐九年隨解寶慶圍超敘千總十年正月隨
征皖夾擊粵捻援賊並於懷甯桐城有功擬擢守備

王振裔湘鄉人隸副將王載駟營十年同破小池駟援賊並克
復太湖潛山敘外委十月隨勦懷桐援賊擬擢藍翎千總

王雲程湘鄉人隸王載駟營以功敘外委 賞戴藍翎破援賊
懷桐擬擢千總

龔明貴邵陽人隸王載駟營敘外委擢藍翎把總及懷桐捷亦

擬擢千總

成榮達湘鄉人隸總兵蕭慶衍營敘外委咸豐九年同解寶慶圍擢藍翎把總及懷桐捷亦擬擢千總

蕭相輝湘鄉人隸蕭慶衍營從援江敘把總懷桐之役亦擬保千總

熊飛龍湘鄉人咸豐九年同解寶慶圍十年又同夾擊粵捻援賊擢把總

張楚南湘鄉人隸總兵彭炳武營由小池駙太湖潛山轉戰至懷桐擬擢把總

楊雲從湘鄉人懷桐之戰擬擢藍翎把總

劉萬軒湘鄉人隸參將朱吉玉營收復太湖潛山敘藍翎外委尋以隨剿懷桐擬擢把總

胡昌樂瀏陽人隸副將于高勝營太湖潛山之捷敘藍翎外委及同克懷桐擬擢把總

胡星輝湘潭人隸總兵彭炳武營咸豐八年師攻小池駟又克太湖潛山皆與敘藍翎外委亦以懷桐之捷擬保把總

王炳昆湘鄉人副將郭鵬程部勇寶慶之役敘藍翎外委

張青山沅陵人副將成得升部勇李續堂湘鄉人副將郭長槐部勇戴興高湘鄉人參將朱吉玉部勇同戰懷桐均由軍功擬

敘外委

吳甘述湘潭人黃昌選湘鄉人劉厚宣耒陽人譚明友甯鄉人
總兵趙太和部勇同戰懷桐均由軍功擬敘外委 賞戴藍翎
自許濱國以下凡二十人皆以咸豐十一年三月初九日攻克
湖北孝感縣城當先遇害從優議卹如例

李堯瑞湘鄉人隨援江西敗賊陰岡嶺復瑞州克萬安敘把總
賞戴藍翎隨解寶慶圍擢千總十年正月髮擒賊合援皖我
師敗之堯瑞以功擢守備懷桐之役功最擬擢都司十一年三
月移攻孝感破之餘賊奔德安四月十六日堯瑞於府城西門
外中礮死

黃魁勝湘鄉人隨軍復武昌敘外委以戰斬黃江皖間擢藍翎

把總克九江晉千總小池駙太湖潛山之役皆與再晉守備

熊光和善化人隸副將于高勝營克湖口敍外委九江復敍把

總克太湖潛山功最擢守備 賞戴藍翎

李續文湘鄉人隸副將劉長槐營復黃安麻城越境追剿敍把
總勦懷桐援賊出力擬保千總

劉光順湘鄉人隸副將李續遠營克復江西弋陽廣信等城擢
把總

許勝友湘鄉人隸副將楊富有營戰小池口童司牌敍外委九

江復敍藍翎把總

羅振光湘鄉人隸道員金國琛營勦懷桐援賊擬擢把總

萬雲祥湘鄉人隸金國琛營太湖潛山之役敍藍翎外委尋以
會勦懷桐援賊擬擢把總
李智信邵陽人鍾玉元祁陽人劉文勝湘鄉人均副將郭鵬程
營左盈庭湘鄉人總兵蕭慶衍營以太湖潛山功敍藍翎外委
廖名揚衡山人郭鵬程營以九江及麻陽黃安之復敍外委
張楚勝湘鄉人郭鵬程營戰陰岡嶺並復瑞州敍外委
周德太耒陽人副將成得升營周鳳梓湘鄉人破懷桐援賊均
擬保外委自黃魁勝以下凡十五人皆以咸豐十一年攻德安
陣亡均從優議卹如例
謝益得湘潭人入道員劉嶽昭營咸豐六年克復武昌敍外委

七年敗賊童司牌敍藍翎把總八年克復彭澤湖口擢千總九
江復晉守備十年隨同回楚轉戰永郴擬保都司十一年嶽昭
攻賊隨州賊堅守不出五月五日賊出築壘西門濠外我師擊
之平其壘明日再戰益德力戰而死

毛明作湘鄉人咸豐九年隨劉嶽昭解圍寶慶敍藍翎外委同
追賊粵西復富川賀縣擢千總及回楚防保永郴擬保守備十
一年四月十四日於隨州力戰陣亡
曾國富善化人隨克復富川賀縣敍藍翎外委回援永郴收復
宜章桂陽擬保千總加守備銜戴正一戴紀山湘鄉人宜桂之
役擬保藍翎把總李循源湘鄉人以隨克富賀敍藍翎把總謝

先二湘鄉人宜桂之役擬保藍翎外委均於咸豐十一年四月十四日隨州陣亡莫有提衡陽人以隨克賀富敘藍翎外委四月二十一日隨州戰歿又千總楊占春不知何省人隨攻德安戰歿外委陳勝之江西宜春入隨攻隨州於四月十四日戰歿藍翎千總左啓發湖北黃岡人二十一日戰歿自謝益德以下凡十人均從優議卹如例

副將銜參將陳邦榮

副將黃福田

副將銜參將楊繼隆

傅堂春等十人

陳邦榮湘陰人內江嚮道營水勇咸豐六年從復樟樹鎮保把總拔小池口賊巢功最擢守備賞戴藍翎十年從復樅陽遷